



05037

芳蓀書屋存稿卷二

立冬前一日

高松含茂掩清軒小立苔階踏翠痕砌竹頻移簾外影匆匆秋色易黃昏

其二

灼灼餘霞散綺池半窻煙靄鎖楊枝數聲鴻雁碧天暮淅瀝金風燈上時

其三

芳蓀書屋存稿

卷二

井梧落盡三秋葉籬菊開殘九月花惟有娟娟明月色終宵不改舊時華

其四

素節飄然暮碧空無端景物已成冬五更玉漏風聲裏三徑銀霜夜色中

賦得十月先開嶺上梅

得先字

勾萌斂盡小陽天嶺上疎梅透晚煙乍欲冬藏青嶂外已偷春意白雲邊朔風漸勁含香冷細雨微滋吐



色妍寂寞空崖無玉笛却愁先放落還先

初冬夜雨雪

涼雨交冬入夜時絲絲斜帶雪花隨乍聞聲度寒梅
落不見光同冷月披六出糝糊渾剪水一宵零亂漫
填陂孫康無那書窻暗濕遍芙蓉半是誰

冬夜憶二妹

靜坐思君夜未闌計程應已到長安一行雁字驚人
去萬里魚書望使難在昔綠窻吟有伴而今紅袖淚
芳蓀書屋存稿

卷二

二

無乾可憐會面知何日夢裏頻逢夢易殘

其二

夢裏相逢覺後驚思君長夜倍淒清吹殘冷月風三
徑滴盡餘缸漏五更霜色侵簾寒玉斂淚痕透枕薄
水生何時並倚闌干曲却語今宵一段情

冬月

碧天吐處白雲明夜半輪懸萬里情玉桂影搖疎葉
動金波寒射宿鳥驚竹枝池畔冰光潔亭檻松根雪

色晶冬月誰憐三五夕魚龍寂寞楚川清

冬雁

朔風搖落雪霜霏一字橫來破晚暉最是月高鐘漏
寂白雪斷處背星飛

冬松

勁節森然見歲寒亭亭百尺隱龍蟠西湖雲凍水桃
李曾伴東坡坐夜闌

長至

芳蓀書屋存稿

卷二

三

緹室飛灰晷影量宮添弱線日初長八能陰樂成三
義六變園丘賀一陽除雪園邊梅欲放折水池畔荔
含芳金醅縱樂雲迎送習習融風到北堂

倚雲書屋

官舍何來景色幽杏園書塾倚青浮沉沉盡日無人
跡時有閑雲屋角留

其二

咫尺層臺望月明無邊虛白豁雙睛始知勝蹟常深

鎖却笑平岡浪得名

其三

三冬舞雪覆林巒攜酒閒凭亞字闌白玉光中幾點
碧青松翠竹不知寒

其四

峭石玲瓏一徑深閒階處處碧苔侵此中風景逢時
賞月愛晴明雲愛陰

雪夜小飲

芳蓀書屋存稿

卷二

四

漠漠迴風素雪飛金尊好敵冷侵衣不知門外添三
尺但覺更深酒力微

其二

滿杯綠蟻傍爐紅忘却今宵有雪風酒罷捲簾渾認
錯古梅花滿月明中

嘉平三日小酌

嘉平三日矣一酌賞風光雪凍留殘跡梅開試臘香
醉嫌爐火熱吟引酒杯長最是青青色筵前萱草芳

其二

金烏忽西去歸雁幾行聲
午暖覺微醉暮寒已半醒
綠輕柳乍展白細月初生
餘興憐春近添壺對短檠
嘉平十五夜平臺眺月

凍月長空墮憑高認雪霜
人間千里色天上十分光
再覩春宵滿今看冬夜望
任他寒暑易臺畔鏡常涼
臘夜遣興

閒坐飛霜夜長吟覆雪廬
庭深燈影澹月黑雁行疎

芳蔭書屋存稿

卷二

五

柳色含春近梅芳吐歲除
捲簾風度檻雲斂數星虛

賦得臘近已含春

至後韶光漏鶯來已有期
梅枝含臘蕊柳葉籠春絲
風動池冰薄雲浮日影遲
嘹嘹飛北雁應減故鄉思
賦得梅心凍有花

得心字

影動花初發枝寒香自深
堪憐冰玉格况復雪霜心
冷淡無粧束疎斜耐咏吟
雖裁歌舞地涼月是知音

雪後尋梅

得梅字

乾雨初霽玉屑堆園林樹樹可曾開欲採好色南枝
上試踏晴泥東閣來凍葢全封梅亦雪疎柯半綴雪
如梅平岡春意催詩急每日須尋一百回

雪霽月夜觀梅

飛殘乾雨露蟾光探得寒梅近水傍疑是清輝疑是
雪辨渠疎影辨渠香冰肌半奪仙娥貌玉面重添蝶
粉粧月裏五花迷六出夜深還認帶濃霜

瓶中臘梅

芳蓀書屋存稿

卷二

六

嬌黃淺淺洗華鉛壺內金衣認藥仙何事道粧臨凍
雪又將宮樣籠香煙檀心粘定半房蠟磬口呼殘一
尺泉正色自宜供几案江紅越白任他妍

采梅烹茶

烹茶點入春梅瓣漱齒沾唇玉魄香知味亟須盈把
摘為憐風雨葬花忙

除夕

滿眼新春色三冬不可留殷勤紅燭影為照一宵休

其二

燈前莫辭醉栢葉酒如泉轉眼鷄鳴曙今年是昔年
立春

銜蘆千點鴈初回臘信消殘春又來次第百花爭淑
節可知先發是寒梅

其二

春風一夜柳條醒綠引柔風乍拂庭自是光輝生萬
物直教塞外草知青

芳蓀書屋存稿

卷二

七

其三

閒摘香芹滿玉盤乍聽好鳥弄關關陰崖凍雪消難
盡猶剩經冬一片寒

其四

十月春光又一年莫催花發曉風前芳晨容易消磨
去媚景商量細細妍

早春催梅

百遍探梅雪當花暗香消息斷山涯數株疎蕊衝寒

盡一月東風送煖賒漫說冰心甘寂滅須知春意待
容華芳魂莫負江南信早見清流玉骨斜

早春偶作

淑氣暄風着意催春來數日凍全開吹回塞北千行
雁綻遍牆東一樹梅

紅梅

一枝寧比衆芳紅瘦骨清香霜雪中堪笑北人生不
識但知顏色杏花同

芳蓀書屋存稿

卷二

八

其二

丹沙零亂影闌刪不遇林逋知已難落盡寒香隨玉
笛羞將顏色北人看

送別二妹

分手駕湖四度秋離思無限日悠悠官齋相聚還相
別此後重添萬斛愁

其二

聯袂紗窗話昔情舊愁新恨淚縱橫來朝望眼關河

隔兩地離懷訴月明

喜晴

連綿梅雨四溟濛零落榴花濕亂紅此日晴明風景
好白雲踈處日當空

其二

庭前閒步興橫生燕語鶯啼爭弄晴好是天青三五
夜月明如水碧流清

殘雪在樹

芳蓀書屋存稿

卷二

九

飛瓊罷舞剩殘皚樹樹粧成膩粉腮肯把參差全沒
去還宜點綴半遮來迎風颭下渾疑絮明月披開那
辨梅却怪昨宵寒不禁如何今日百花開

春夜偶成

貪咏新詩夢不成一燈高枕聽殘更吟哦不覺春天
曉日射珠簾鳥亂鳴

次許太夫人見贈原韻

書窻雪滿壓貂裘忽訝明珠肯暗投前輩文章爭日

月後生筆墨愧琳球七旬久得大家譽八斗無輸才
子儔讀罷自慚歌下里陽春一曲歎難酬

春日憶二妹

憶妹離情我久諳年年折柳恨何堪梅花依舊空庭
發道里蒼茫細雨含心逐雁聲過嶺北身隨春色在
江南消愁謾說杯中酒獨酌東風不忍酣

其二

去秋執手淚霑巾話舊匆匆三日親一別獨經千里

芳蓀書屋存稿

卷二

十

地再逢難定百年身悲無黃犬音書隔空憶青蛾詩
句頻極目危樓倚北斗不堪更見柳條春

春宵步月次韻

竹歌踏月仲春天吟遶清香疎影邊月裏梅花花裏
月教濃夜夜廢沉眠

其二

花滿良宵月滿天月光零亂百花邊可憐月影花香
夜多少閒人醉夢眠

春草

階下青青芳草敷，可憐弱植豔陽扶。若非雨露將渠
長，已是冰霜逼汝枯。翠色漸齊愁又偃，韶光欲暮莫
成蕪。寸心不盡春風廣，試問今生報得無。

殘梅

連綿春雨渾無賴，陣陣浮雲蔽碧寥。有意且教新草
長，無情不管舊梅飄。

風箏

芳蓀書屋存稿 卷二 十一
借力春風暫放寬，人人仰望羨雲端。未能脫却長繩
繫，贏得蹣跚供世看。

賦得燕在花邊捲雨來 得邊字

呢喃正聽語花邊，驚起輕盈壓雨煙。羽逆香風斜欲
墜，釵飜紅淚重難前。知機寧共繁英溺，避世忙尋舊
壘還。離却蝶蜂來畫棟，空衣濕透未晴天。

賦得新筍漸成堂下竹 得堂字

素筍春深夾草堂，無人剪束發修篁。新梢漸拂牆垣

出幽徑何時鸞鳳藏欲布清陰消暑日先成勁節待
寒霜簷前未試千霄翠誰信琅玕百丈長

插柳吟

迎風閒插嫩楊枝滑滑春泥膏雨滋睂展初看一尺
候蓋成好待十年時未能高拂旌旗動且耐低垂萍
苻欺深院幸無攀折苦任渠自在蔓柔絲

送春

九十佳辰今日盡一簾飛絮換時光夏生濃葉綠雲

芳蓀書屋存稿

卷二

十二

影春謝繁英紅兩香枝上子規空有恨風前蛺蝶為
誰忙多情最是更深月還照殘芳到曲廊

賞牡丹

怪底花飛三月天繁紅羞向牡丹前及時一笑嬌如
語正好新粧豔欲然有酒寧須香閣賞無詩空對寶
欄妍錦屏開處催人飲百醉何辭賦百篇

重賞牡丹

又見蓬萊第二峰胭脂開遍牡丹叢全舒國色酣濃

露依舊天香弄暖風浮蟻休嫌連日綠畫屏還得幾
時紅卽今猶是芳春殿莫使金尊花下空

其二

夜來微雨濕穠枝洗竿重斟興未移蜂蝶也知留戀
久品題寧厭再三思護香屢惜韶華景行樂休過富
貴時試問一年三月裏幾回帶醉寶欄欵

牡丹落

無情春色豈知心玉佩金裙愁自深悔却憐春輕一

芳蓀書屋存稿

卷二

十三

笑胭脂泣雨到如今

其二

雨濕繁枝玉面低怨春無語淚痕迷東風摧落顛狂
甚忍使含嬌委土泥

其三

寶欄寂寞杜鵑啼雲散霞消日墜西不及東園桃李
樹陰陰結實日成谿

其四

仙姿自貴百花王擬托韶華第一香腸斷心摧春不
管棄捐那惜玉啼粧

其五

澹粧醉態斂嬌羞不禁春光日漸休今日飄零何怨
雨東君不肯為花留

芍藥殘

三月春光滿寂寞了花事畫樓啼鴉聲姚魏同掃地
廣陵婪尾春獨向春風醉綽約有溫香欲與左花比

芳蓀書屋存稿

卷二

十四

紅白鬪新粧雨師生妒忌曉看醉西施啼痕亂粉膩
寶髻泣三千玉龍飛十二

陳輔良芍藥詩玉龍十二
蓬山頂寶髻三千漢殿中

怨春去難留悔託春光媚今朝存半面轉眼悲全墜
不須怨春歸濃華易憔悴濃華霸衆芳憔悴復何異
不如溪上草春去依然翠

瓶中赤芍藥白繡毬

數株湖纈插欹斜復間團酥越樣花好供硯池閒戲
擊寧惟書卷識奢華紅燈影帶穿窻月白雪光含拂

檻霞金帶玉毬色並弄瓶中掩映更堪誇

茶

鼎鑪初烹聲細細輕翻蟬翼亂銀絲松風液吐琉璃
眼檜雨紋生碧玉池香散五花惹袖處色沉幾片入
壺時却嗤王肅呼奴酪真味原非俗客知

初夏偶成

一年春九十半是雨中過已惜梨花少生增蔓草多
燕勞慵學舞鶯老不妨歌空有千條柳東風奈繫何

芳蓀書屋存稿

卷二

十五

其二

開筵桃李謝枝上喚提壺春自來年有花愁明日無
新陰翠蓋覆落絮白毡鋪醉步今宵月留連淑節徂

鳳僊

雨零疑濯錦風動似裁霞添得纖纖豔佳人愛采花

蓮房

玲瓏眼似琢圓溜蓋如裁清味甘人食中心苦自摧
房疑翠羽匣子訝蚌珠胎香氣欺花葉池邊盡日來

燈下看月

月光三徑白燈影一簾紅
花落驚星墜輪懸訝鏡空
依身螢火下極目兔毫中
坐久清輝倍孤擎莫告終

七夕

帝女停梭夜閨人乞巧
秋天風吹鵲渡鉤月掛針樓
玉鏡拂塵影霞衣照淺流
匆匆離合意怯見曉星浮

對月

捲簾霞散後虛日入蘭房
天上半輪色人間萬里光

芳蓀書屋存稿

卷二

十六

詩清偏愛月梅淡不知霜
只恐金波落挑燈繼夜長

水中雁字

颯颯秋風送塞鴻
南飛點點映波中
排開洲荻浮光白
寫破山楓倒影紅
霜字起沉千派亂
墨文搖漾一江同
去來直待春歸後
無限清流篆跡空

秋夜

落葉蕭蕭暗打窻
秋閨明滅閃銀缸
遙憐江上西風冷
驚起沙頭白鷺雙

其二

佇立閒階無限意
濛濛薄霧濕羅衫
不知今夜關河月
幾處淒清照片帆

其三

靜玩秋容捲畫簾
一行旅雁過疎簷
溽溽露濕梧桐樹
葉上珍珠細細添

其四

林下蕭疎影漸稀
池邊弄月水沾衣
塞笳響絕河窺

芳蓀書屋存稿

卷二

十七

戶鄰笛吹殘人捲幃

其五

閒采幽蘭遣素懷
流螢飛上鳳凰釵
沉沉深院更初永
坐聽蟲鳴滿玉階

其六

涼霄三五白紛紛
似水長天無片雲
萬里冰輪高影淨
疎星幾點樹頭分

其七

何處吹笙松外閒
高人乘月在空山
秋聲一曲知音少
散髮金風冷翠鬟

其八

燕子猶棲弱柳梢
輕斜無侶欲辭巢
枝頭不語驚時換
愁聽砧聲萬戶敲

其九

籬菊未黃鋪綠綺
庭楓初赤落紅霞
可憐一夜金風急
白遍洲前蘆荻花

芳蓀書屋存稿

卷二

十八

其十

玉漏迢迢催夢醒
芭蕉含潤映疎櫺
新詩吟罷夜當午
逸興闌刪倚錦屏

代父題存璞圖

不欲彫鐫損太真空
山留着塊然身
亦知頑鈍無人賞
却歛光華得氣純
物外那能窺美質
個中且得避鋒鋦
由來至寶終須識
應為朝廷惜此人

其二

屢獻無庸空自傷形骸寂寂又何妨千金羽視寧輕
剖九德天成豈易彰欲隱深巖青姓字故埋古岫紫
衣裳阿誰寫出高人意好對他山任笑狂

秋窻閒話

閒話秋窻下時聞蘭蕙香綠蕉沉硯影紅樹映簾光
人語幽齋寂風鳴白日涼清談坐來久深院斂斜陽
蟲吟壁

啜啜啾啾亂鳴蟲砌下牀前托渺躬四壁哀音流不

芳蓀書屋存稿

卷二

十九

盡三秋悲意訴難窮高低響應敲窻雨斷續聲含拂
暮風人靜漏深誰是伴淒涼吟破一燈紅

蟬吟樹

萬里青暝秋色鮮泠泠秋樹噪寒蟬長吟玉露清陰
裏亂響金風疎影前密葉音流殘雨院高枝韻散夕
陽天憐他自語桐窻曉幾處招邀斷復連

雁吟秋

紛飛白露雁南遊一片清冷入素秋影帶薄雲千點

杳聲聯落葉數行浮螺笳塞外音和怨砧杵閨中響
共愁唳盡西風人不識自將哀韻訴霜洲

代父題嚴存璞獨坐幽篁圖

幽人獨坐白雲橫刮耳千林萬壑鳴懶慢無心聞世
事松泉有意送濤聲韻和長日笙簧合響落晴空風
雨生自是仙韶殊律呂知音唯共石巖聽

新磨鏡

寶鏡朦朧減舊清一朝磨洗倍晶瑩雲開夜月秋毫

芳蔭書屋存稿

卷二

二

見雨過菱花色相明垂匣彩光知有氣辨人好醜總
無聲玉臺粧罷時時拂莫使浮塵又暗生

賦得山明遠色同

得同字

新晴望遠色山在翠微中隱隱峰巒別茫茫雲霧同
千重全洗碧半景共流紅極目空明裏煙鬟處處通

秋暘

同大兄閻夫聯句

秋暘當午晝澹澹力難勝
瑛枕簟清暉射窠區爽氣
澄
瑛和輸春日煖鬱減夏時蒸
瑛簾訝霞方散窻疑

月正恒瑛 愛同涼露下憐共冷霜凝瑛 碎影疎林淨
流光碧沼激瑛 孤鴻殘照落叢桂暮煙騰瑛 蟬背朝
暎集蕉花曙色增瑛 張衡悲遠眺宋玉歎高凭瑛 最
是薄雲裏晶明隱隱昇瑛

落葉

同舅父悔生聯句

一夜西風急紛紛舊葉墮思 自從聞雁落無復帶霞
披瑛 月漏疎林動鴉驚冷露吹思 去來隨澗水高下
拂簾幃瑛 池面魚涎覆簷前蛛網維思 慢蕪熒火度

芳蓀書屋存稿

卷二

二

暗墮草蟲疑瑛

瑛

亂捲看雲散輕穿訝蝶追思

蝸行蚪

蚪字蟻蝕繭蠶絲瑛

瑛

漸墨深坳滿斜堆平路欹思

黃

添苔積砌紅濕雨餘陂瑛

寺靜僧鞋响山幽鹿趾遲

思 聲飄歌扇舉飛傍舞衣垂瑛

宮井嗟填沒神蟬恨

脫離思 揮金埋淺石辭翠掛衰籬瑛

鳴籟遙聽日登

高俯視時思

輸將丹桂豔羞對赤楓姿瑛

荒徑無人

掃蕭齋有客羈思

長安秋颯颯迴首欲生悲思

秋日遣興

幽齋悄無人寂靜虛窻白常掩雙扉紅揮殘一硯碧
興來吟新詩雁叫秋雲隔滿耳落葉聲涼風剪簾隙
灑灑深院中小立神情適疎桐散清影疎楓流碎赤
日瘦蕉陰淡階閒苔痕積盈盈曲池波雨漲吞淺石
籬菊紫莖長青蕊未堪摘對景倚庭松三徑秋陽夕
新秋月下小飲

秋初餘暑在乘月醉新涼雲畔鈎方白筵前酒正黃
金螢頻點扇冷露暗沾裳飲罷闌干倚閒聽更漏長

芳蓀書屋存稿

卷二

三

中秋雲下待月

庭前待月步迴廊霧斂沉沉秋草塘天上玉犀雲鎖
影人間金粟露凝香曲江濤湧無尊對深院煙浮有
燭張焉得管絃時一吹驚開暝漠吐蟾光

其二

風冷更深歸去休已嗟無月度中秋漸看簾下紅燈
淡喜見窻前白雪浮四面薄雲開玉嶺一輪明月掛
瓊樓凝眸佇立清輝裏可許梯繩虛府遊

月夜

明月圓三五閒階緩步時
蘭閨乘夜過柳苑斂春姿
雲髻雙釵靜風屏一影移
盤桓更已永紅袖玉霜披

棣棠

華萼偏其豔秋深寒尚香
金流明月下錯認桂花黃

蘭

芬芳秋徑曲香氣襲人
襦斂斂彤霞繞重重翠羽鋪
月含九畹玉露點寸心
珠空谷甘寥落知音任有無

芳蓀書屋存稿

卷二

二十三

悼芳蘭

正是芬菲伴酒樽無端簾下斷
芳根愁歸幽室香何處
忍見春衫佩尚存玉鮎飄零非
着雨紫莖摧折豈當門
從今綺石無顏色留得馨名君子論

重陽 拈柯字

官舍重陽節淮陰已四過
昔年悵晦暝此日愛晴和
霜菊知時豔秋風解醉歌
惜無殷七七催放杜鵑柯

和仙詩

酒醒更深清夢殘
疎疎花影隔簾看
笑他桃李待春
暖不敢先開傲雪寒

其二

又看臘近一年殘
景物非春亦可看
松竹自青梅
白雪中三友不知寒

秋風

滿耳蕭騷寐不成
殘雲冷月夜淒清
等閒吹落長林
葉雜入千家擣練聲

芳蓀書屋存稿

卷二

二十四

秋雨

梧桐葉上聽蕭蕭
起把殘缸手自挑
空惜當秋明月
色却教教夜夜雨中消

秋海棠

不受三春一點恩
粧容淡泊總無言
年年秋雨和花
淚牆下頻添舊濕痕

秋蘭

颯沓西風滿徑吹
芳蘭馥馥抱幽姿
國香自是高人

佩未肯空隨秋草委

雪僧

芳蓀書屋存稿

卷二

二十五



芳蓀書屋存稿卷三

七夕對銀河賦

原夫仄驚素管樂轉瑤鐘當金風之乍起對玉露之
方濃七夕忽其將艾雙星淒其已同凋草塘之黛綠
墮蓮沼之脂紅颯颯簷前之葉嚶嚶戶外之蟲意仰
仙車之出心祈華幄之逢於是寂寂龍杼昭昭銀漢
翠羽橋連凌波步斷絳影橫空華精淺燦旣為章于
天隅更監光于林畔經一水之常盈間千年而不散

芳蓀書屋存稿

卷三

至如亭亭永夜耿耿良宵清淺可玩分明自遙歛輕
雲而更散似渡襪之塵消籠薄霧而如濕恍前裙之
水飄侵霞衣之五色映雲幄于九霄彷彿客槎之來
往依稀鵲羽之浮漂若乃鷺浴晴川雞鳴曙廟滴盡
箭移光生庭燎魚鑰將開鵲橋乍峭疑瀑布之下流
類微燈之殘照伴粧鏡之愁顰隔開襟之巧笑共龍
梭之無聲同鳳駕而兩弔低星迴泛狀千顆之沉珠
落月斜臨似一鈎之垂釣豈如獸雲樹畔弓月簷邊

柳垂含露竹暗浮煙披玉繩于碧海曳銀練於青天
明兮復淡淡兮偏鮮斜兮若流水之歸壑橫兮若連
波之在川入簾兮若素鶴之來嶺外侵檻兮若白雲
之降庭前綵閣縱橫拂闌干之十二針樓爽亮照嬾
婉之三千爾其春沒夏濛秋明冬隱總四時之各形
唯七夕之獨逞萬里無雲一痕自耿月纖應遜其輝
星亂難爭其整搖千家之座粧射七孔之針柄逢紫
戶于天虛照長生于人靜三更寂後恍聞太息之聲

幾樹鳴初如覩理容之影若夫性人矢魚之直情如
孤竹之清狀白虹之夜貫類神火之宵橫不向金烏
而爛不因玉兔而明不受浮雲之染不為驟雨之盈
萬里如繩不作江湖之泝千辰足練不生風浪之驚
豈同夫烏鵲之連橋穿針之層城也哉

螢火賦

當林塘之改夏忽雲物之迎秋愁梧桐之急雨羨菡
萏之重樓聞蟬鳴于深徑見蛙踴于淺流對明月而
可倚乘涼風而佇留于是玉露初濃金螢乍聚傍燭
疑消依人如訴映虛牖而輕飛拂疎簾而巧渡訝星
落于簷階疑花生于庭樹既乍高而更低忽如散而
復布弄雙影于池波撒千燈于谷路爾其寒潛暑出
暮起朝眠彩輝掩映冷焰聯延點綠苔而並豔坐紅
袖而分妍擬神火之宵照比明珠之夜懸撲畫屏之
小扇泛銀燭之前筵戀行行而不返似去去以重還
至于珠露將消銀河欲沒嫋嫋曉風濛濛殘月自去
兮自來乍飄兮乍歇繞井兮如驚弄花兮欲竭惜夜
景之漸頽對朝光之將發更輾轉于簾櫳似再期于
庭闕豈如落霞飛後破鏡明初梁棲翡翠煙斂芙蕖
侵客夢而不熟穿林霧而如虛映玲瓏于楹外紛的
爍于庭隅繞紅闌之曲折拂翠竹之扶疎簷上流金

依稀星宿案頭含玉點綴琴書比夫紫燕雙飛黃鶯
百吐向日呈姿銜花媚嫵弄滴溜之好音拂差池之
妍羽巢接葉而藏形托橫釵而效舞並取力于陽和
共爭恩一春雨雖出沒之惟閒亦形影之自俯詎若
英連暮色彩奪朝暉熒熒忽散熠熠成圍臨風不滅
墮雨仍輝跡未欺于暗室光常見于幽扉本無聲兮
無臭亦載止兮載飛隨昏明兮動息候顯隱兮潛歸

月賦

惟山川之靈積挺天地之陰宗體金精之妙質含水
鏡之清容隔千里而一色懸萬代而同逢及夫藹日
光風陽蒸韶景草碧侵簾桐青繞井柳耀成陰桃迎
成徑明灼爍之杏光寫差池之梅影鈎形鈎去驚並
集之魚鱗弓勢張來怯雙棲之燕頸至苦菜炎華王
瓜夏楚雨過無聲荷嬌欲語滿苑生涼一輪破暑綺
逾依于席間華不定于波處光流暗室恍燭龍含耀

芳蓀書屋存稿

卷二

五

于幽邦彩漏深林若馮夷剖蚌于河渚旣而黃花繁
秀白鴈聲頻蟬鳴綿聚秋色妍新河明素練雲靜青
繩煙銜遠黛霧斂低瀕忽塵匣之開鏡訝疎林之掛
輪倏星辰之爛淡發風露之英津影落光中如入清
虛之府彤居彩上恍齊歌舞之人頃秋艾于南誓冬
迎于北郊樹凋而窓有日葉脫而鳥存巢惟松栢之
未損映蟾兔之常拋輝冷霜之凝潔影搖竹之自敲
玉鏡清冰金波兩射瑤盤白雲璧彩雙交故其起也

初出窟而凝黃侵餘霞而帶赤雲葉吐鮮水花流迫
團扇圓空大刀環射初弄影于林梢轉含光于簾隙
始皎潔于簷階頃嬾娟于帷席既有照而成銀亦因
簾而漏_燈巡巡滿苑俯三徑而皆皜忽忽周山仰千
峰而俱白其落也蟾近可玩桂低如香螢驚去彩竹
淡迴彰殘照燦爛于清露餘輝流漾于陰塘神樹扶
疎于高閣明珠滴瀝于迴廊掩映長吟于江屋朦朧
清嘯于謝堂絳漢斜臨疑周子梯繩而取色金盆淡
芳蓀書屋存稿

雪斂重雲兮狀塵滿之瓊鉤鎖層暈兮類廂藏之玉
玦吳國則入懷夢裏麟子從生劉琨則長嘯樓中虎
兵却列是以有形皆照無物不加秋毫欲數纖悉難
遮一月之盈闕如莫四時之環轉如車赫赫九行之
綺明明千里之華旣懸劍而成兆更書名而有嘉靜
去中天恍見瓊樓之縹緲清來半夜如垂玉桂之參
差爾其超如金闕與至德而同歸渺在雲霄深高山
之止仰懸佈列宿則見其威不滅螢光以觀其廣魄
何羨乎七寶之奇而重輪之朗

秋菊賦

當夫洞庭波起瀟湘雨濛雁聲悲壯菊采玲瓏獨披
岡於夏往常照耀于春同嬪頌一篇韻全飄于皓齒
令園三徑神屢托于高風疑碧水尋淵枚盈潭底訝
黃衣入石唾滿盤中若夫大暑初消清風是發幾林
離夏之蟬一片臨秋之葉數叢紫蒂朦朧萬點黃華
漏洩申生出陣佩玦續紛管子揮鋤遺娛滴瀝枝垂
露蒞全低欲沒之星葉籠含葩半吐初生之月爾其

芳蓀書屋存稿

卷三

八

值淒涼於霜後過端正之秋時重疊之形如織差池
之影欲迷簇珊瑚以結蒂裂翡翠以成枝雕碧玉以
為葉煉黃金以飾姿映玄梁之玳瑁披玉露之琉璃
流靈液于甘谷發奇實於曹籬朝過雨而垂芳鳴綠
千條偕羽翠袖晚含煙而斂色鶯黃萬片並吐青雲
亞如寂寞蕉庭飄零桂館蟋蟀鳴微海棠淚斷佳人
之蘭佩消吉士之荷衣暗一鳥啄采而晨初數蟲書
圓而夜半風側葉以無聲竹奏簧而若喚同茂栢以

猶濃類輕霞之易澹甘空谷以萎芳羞綺幃而飛爍
其為狀也離離暗暗冶冶煌煌仰兮若縱俯兮若藏
靜兮若立動兮若翔爛兮若帝袍之暄色晶兮若仙
掌之騰光孤兮若華山之特聳列兮若黃巾之就行
布兮若旌旗之閉靄碎兮若螢火之流窻滴瀝兮若
散萬錢于城郭昭灼兮若沉千日于池塘連蕊盤旋
黃龍遊以上據交柯婉變翠鳳歛而相望雪灑層葩
不啻何郎之粉風傳淑氣無言韓壽之香比夫桃爛
紅霞李明素練共百疋之流鶯伴雙棲之語燕幸放
蕊于春恩故飛花于天宴與細草而同妍閑高松之
獨善嬌疑二月之華不管三秋之變流光柳外掩映
如迎簇錦簾前欣承若盼綺窻妓女分巧笑于青樓
絳帳佳人共爭香于春院豈知純顏寂寂圓影亭亭
含后土之正色準天極之玄形勁不改于嚴霜狀全
貞之義婦精多植于幽谷類隱逸之高人皎耀疎籬
挺寒芳而起茂歲蕤荒砌扶衰景以成新五老洞前

千柯捧墨女几山上數里傳馨三十五品之奇英圖
為壽客七十一般之靈種譜擬神仙願得效飛升于
朱子結遺愛於陶君

芳蓀書屋存稿

卷三

十

芳蓀書屋存稿卷四

梅 西施第一體

水邊籬落慣衝寒任霧瘴霜嚴白葩五出淡抹可人
憐比雪生香似月添些影占無數花先 素琴畫閣
方三弄莫苦折報春天還愁風信羌笛一聲殘滿酌
金卮趁瘦銀斜玉盡日好留連

海棠 水晶簾第四體 一名江城子

暖風塗抹上新紅鬪粧濃耀簾櫳倦倚闌干斜掩月
芳蓀書屋存稿 卷四
溶溶汗試燕脂春露透燒燭照也朦朧 半含微雨
似愁中淚重重拭難窮乍染晴暉欲占絳霞容奈奈
嬌妍都易散看色盡一般空

酴醿 菩薩蠻

風催穀雨三番緊新舒霜暈消霞印品字葉兒青迷
離酒半醒 架頭香暗送蝴蝶追清夢露潤粉溶溶
添妍試汗容

雁 瑞鶴仙

衡陽偏路杳指萬里煙雲愀然涼早遙遙背殘照問
關河經處邊愁多少聽聲未了一行又從霜裏叫怯
虛弦幾度驚回冷落洞庭誰弔顛倒日頽毛羽纔
得春歸便逢秋杪南來北去難戢影為貪稻趁金風
陣陣排空結字點點疎星欲曉想深閨憶得征人寒
衣急擣

雀 海棠春

東園鳴破紅窻靜正春曉露花香剩日照幾回驚錯

芳蓀書屋存稿

卷四

二

認金丸影 結巢綠蔭雛藏井但願得鷓鴣莫逞啄
粟舞黃衣不羨鴻飛冥

鷓鴣 憶真妃

齊飛錦翅啼春戲煙津一曲幾多清怨喚離人 湘
水澗羅祠冷弔黃昏翻羨縷金雙影綴紅裙

鸚鵡 歸朝歡

綠翰翩翩交宿樹紅嘴翠衿齊欲舞自從深鎖入金
籠向風空刷雙飛羽慧多翻是誤聰明誰念離羣苦

隔珠簾顧形睇影目斷隴西路 迴頭玉殿時非故
粉褪丹收慙巧語靈禽肯逐衆禽鳴心經一卷消朝
暮染稻吞還吐開樊願吸枝頭露問知音正平往也
詎解旁人賦

鷗 醉花間第二體

鷗無妬水無妬無妬相依久浮沒玉毛輕一任閒無
偶 春風吹碧皺去影清波溜低飛復舞高誰是忘
機友

芳蓀書屋存稿

卷四

三

鷺 人月圓 一名青衫濕

霜毛綠眼長鳴嘯喜日舞婆娑最堪憐惜羲之往矣
還有人麼 自傷委翼空羈鎖籠羞啄肥禾不如歸
去仍盟鷗鷺共逐清波

鵲 柳梢青

早借風搖匆匆繞樹就下辭高雨過寒林斜陽光裏
雙立枯條 飛鳴逐粟忘勞怯玉抵低徊振毛傳喜
難憑怡人多少鳩已居巢

鶯 雨霖鈴

鶯兒遷木豔陽天氣景致堪惜枝頭杏蕊紅坼綿蠻
軟語聲聲圓滴響雜誰家柳吹隔林逋揚抑任喚盡
無限東風不管江梅亂飄白 雙雙公子金衣窈一
曲殘半落柔桑實憑他紫禁幽谷啼做得十分春色
歲歲調簧嘆殺嬌羞韻減無力問若個攜酒聽歌已
少知音客

鳩 太常引第一體

芳蓀書屋存稿

卷四

四

寂寥遙宿漢江清飛翰幾時升著意哺雛成且守拙
年年喚耕 霜衣玉骨朝呼暮逐誰與計陰晴試問
爾何情偏感得悲歌憶親

白鷺 風入松第一體

毵毵絲偃掠波光自在翱翔乍高訝道梨花颺乍低
還認秋霜無限沙汀明月宵深誰見棲篁 行行慣
向白蓮傍一片銀粧問君捕得魚多少任留連紅蓼
殘陽回首上林何處年年架上謀梁

鴛鴦 淒涼犯

比飛蹙水花生碧凝流倦舞文翅小拖赤掌輕排翠
帶欲翔又止殘陽迤邐問幾對黃金殿裏最堪憐露
荷葉下香籠一雙睡 相偶噫噫語影落清波映形
齊戲和風細細逐蘭橈乍低乍起稱笑宜嘖逞佳麗
芙蓉輪媚霍家園玉沼錦爛七十二

鶴 雨中花

朱頂偏宜霜翰雙舞巖光亂瘦影徘徊臨風長嘯

芳蓀書屋存稿

卷四

五

白鷺鷥 秋晚 變止欲尋鷺鳳伴探遍雲程千萬任
飛去飛來孤山明月還待梅花綻

白鷗 春光好 第二體 一名愁倚欄

紅爪喙素衣衿羨丹心墜下崖山碧水深主同沉
神貌清閒無限翻然不雜凡禽閩越一雙今在否恰

難尋

風中月 後庭花

風生院宇餘炎散一輪初渙萬山松影笙簧亂浪明

江漢 黑雲幾點如飛雁月痕遮斷吹開花綺流羅
幔景幽何限

雨後月 青玉案第七體

白雲散盡新澄霽月吐出光同洗皓魄團圞沉碧水
山頭金瀉花梢珠滴是處明凝睇 綠陰細細晴風
乍起鳴蟬帶殘雨偏羨蕭疎松徑裏碎琉璃濕疊莓
苔翠一夜人閒倚

方鏡

粧閣抱端正獨愛攜來照鬢輕錯認臺前懸玉印光
迎朝日晴暉射牖明 珠匣吐圭形階下春冰似汝
清方寸半偷人影步無聲一片青霜靜夜橫

玩月

雕闌凭倚月弓初起遠濛濛淡紛紛一泓如水簾外
影模糊映破幽窻紙更羨煞山頭花底 金波千里
樹鋪綠綺露荷香露荷香夜光深止皓采滿衣襟靜
步清暉裏可學得廣寒遊否

暮景 醉桃源

碧天日落冷清閨，喧譁樓鳥啼。一枝梅影弄風低。疎簾人向西，扶密竹走閒隄。霞飛雞已栖。柳梢星斷，浸銀谿，煙浮歸路迷。

嘉平遣興 如夢令

簾外烏啼人靜，寂寂風搖梅影。閒步倚闌干，憑看日懸金井。紅杏紅杏，枝斷夜來霜冷。

其二

芳蓀書屋存稿

卷四

七

魚尾帶波銀，牽雁背橫暉。金濺瀟灑竹簾間，風度臘梅香。徧年倦，年倦春斂碧梧深院。

其三

滿院一簾風，度冷淡心同。梅素人靜，烏窺窻水，拆小池波吐。誰訴誰訴，誰訴日夕小庭閒步。



